

咸淳重修毗陵志

重修毗陵志卷第十五

山水

毗陵山水之秀著于經備于圖牒散見於騷人墨客之篇詠若具區之涵浸慧泉之甘冽君山陽山之挺特其顯然在人耳目者蓋衆山之宗支流之源也今合鉅細悉書之

山

晉陵

橫山在縣東北三十五里南唐徐鉉碑云舊名芳茂

晉時常有紫氣右將軍曹橫葬此易今名三茅山人張存有當時不葬曹橫墓千古猶存芳茂山之句胡文恭宿詩云此地橫青嶂當年動紫氛將軍精爽在可解勒遺文風土記云有大橫峴以承衆今運河北也東南有芙蓉湖山橫其間故曰大橫今運河北岸有橫林去縣二十七里與山遙望音昔昔有林木故亦以名南麓有龍井

三山在縣東北綱頭村中峯峭拔亦名高山楊誠齋詩云三山幸有一峯尖舊傳上有舜田舜井石有

牛跡

詳見紀遺

夾山在縣東南七十里南北二里包秦陽二小山舊傳秦皇至此

黃公山在縣南八十里去太湖十五里即春申君黃歇所封故吳墟四番志云黃山有龍泉灣

烏龜山在縣南新塘鄉與黃山相對其狀如龜故名或傳下有楊文靖公舊宅疑以此自號云

馬跡山在縣東南迎春鄉太湖中西南二十里山麓周百二十里與津里山相接山西地名西青石壁

屹立下有兩穴跡圓各盈尺深五六寸水落則見
舊經謂秦皇巡幸為馬所踐按僧文鑒洞庭記漢
郁使君為雍州刺史歸杜祈州經從此山龍馬駐
跡留石面時人語曰朝為雍州官暮歸栖九里文
鑒詩云瀛州西望沃州山山在平湖縹緲間常悅
使君千里馬至今龍跡尚堪攀二說未知孰是
津里山在太湖中四番志云常州有秦履山注始皇
嘗登此後訛為今名唐開成中邵偃作記云山連
馬跡夫椒峯巒回合波影映帶實為奇觀云

武進

黃山在縣北七十里小河鄭港瞰大江土人取石以煨灰礦

孟城山在縣北八十里亦瞰大江巴州刺史羊士諤記云晉孟嘉南遷僑居之地下流有孟瀆

孤陳山在縣北與孟城相接

嘉山在縣北八十里有白龍潭

無錫

錫山在縣西五里唐陸羽云慧山之東峯當周秦間

嘗產鉛錫漢興遂乏因以名縣

詳見序縣

慧山在錫山西陸羽云古華山吳地記云華山在吳城西百里寰宇記云山有春申君祠范蠡城宋元徽中沙門僧顯入吳憩華山精舍其巔有方池生千葉蓮花服之可羽化老子枕中記云華山吳西神山是也郡國志云縣有九龍山一名鬪龍隋大業末有龍鬪其上一名冠龍陸羽謂山陽有九龍若龍偃卧蘇文忠詩云石路縈回九龍脊水光翻動五湖天蒼梧云九峯卧蒼龍千柱枕其腹

歷山俗名舜山在慧山南舊為宋司徒右長史湛茂

之別墅

北今寺是

文選劉鑠江淹皆有詩茂之有草堂

應教唐正元間王丹詩云偶尋野外寺仰慕賢者
躅不見昔簪裾猶有舊松竹張祐云舊宅人何在
空門客日過泉聲到池盡山色上樓多

雷山在太湖中馬跡山西風土記云震澤中大雷山

小雷山或以為舜漁之

詳見拾遺

皇山一名鴻山在縣東五十里輿地志云太伯宅東
九里為皇山卒葬山南城殷師守晉陵復吳氏一

戶奉祠下

安陽山在縣西北五十一里麓周十八里高百二十
仞風土記云周武王封周章少子斌于安陽卒葬
此山其下有龍湫南徐記云山出石堪作器用江
東數多藉之峰巒奇峭號文筆峰令趙義父詩
云突兀當空勢不羣嶄然頭角起祥氛毗陵自古
多英俊可信孤峯解主文

柯山在縣西九域志云柯山在山側風土記云吳
仲雍六世孫柯相所治之地

閭江山俗名驢山在縣西北五十里 有閭閭城

歸山在縣西北閭江風土記云夫差殺伍子胥裹以鴟革浮江國人登此望其歸故名

胥山在縣西北閭江側子胥被殺吳人哀之為立祠
夫椒山一名湫山在縣西太湖濱九域志云縣有大
湫山左氏春秋及史記吳夫差敗越于夫椒杜預
注太湖中山也

膠山在縣東四十里有興化寺九域志及宋書云山
嶺路南有宋中書令王僧達墓又有梁蕭侍郎故

宅其二泉一曰滌硯一曰寶乳卒葬于此地產蘋
藥嘗備貢 國朝天聖中宰蘇內翰紳詩云汲泉
巖畔驚猿飲裁筆池邊引鷺翔

夏陰山在縣西三十五里吳地記云麓周十五里高
七十五丈與柯山相接西臨太湖

璨山在縣西南七里有明陽觀

北龍山在縣西十八里 山北麓越絕書云縣西有
龍尾陵道春申君所築風土記云山有三峯有白
龍潭

橫山在縣西南二十里

孔山在縣西南二十里

華爐山在縣西南十八里

管社山在縣西南二十五里

章山在縣西南三十五里有華藏寺

石盆山在縣西北二十五里

西顧山在縣西北三十五里

長腰山在縣西北四十五里

賈山在縣西北四十五里

苦庵山在縣西四十五里

天穹山在縣西北四十五里

白射山一名白石在縣西五十里有白射廟面太湖
胡山在縣西北四十五里有胡山廟

廣長山

平塔山

雞籠山並在縣西北間江

獨山在縣南八十里與錫山連中斷為太湖舟行其

中號獨山阿

充山在縣西與獨山相接

朱山在縣南與充山相接

漆塘山在縣南二十五里

大浮山在縣南二十八里

石塘山一名廣塘在縣南二十五里枕長廣溪有徐
偃王廟近有僧剏庵名寶慶

廟山在縣南近偃王廟

路耿山在縣南亦枕長廣溪

過山在縣南四十五里

南山在縣南五十里

南橫山又名許舍在縣南四十里有尤氏華嚴庵

沙頭山在縣南面太湖

吳塘山在縣南

長春山在縣南五十里有普寧寺

竹山在縣南四十五里

軍將山在縣西南五十里近太湖有龍潭南唐兵敗

于此以備吳越旁有隄號甲仗

裏山在縣南四十五里

顧羅漢山在縣南四十五里

羊祁山在縣南四十里

白茅山在縣南五十里臨太湖

芙蓉山在縣南三十里麓周八里高三十丈有龍井
侯山在縣東四十里吳地記云周回七里高三十丈
南徐記云北有白石峴

七雲山一名馬跡在縣東四十三里南徐記云山東
十里有馬跡山寰宇記云七雲山高九十仞

東顧山一名香山在縣東六十五里有寺及子胥廟

志
八
又有龍潭窠宇記云山東屬蘇州西屬常州

白檐山在縣東四十五里

松山在縣東五十里南徐記云一名小孤

晶山在縣東四十里

石室山在縣南前連漆塘

琴山在縣南青相村

馬鞍山在縣西二十里

宜興

君山在縣西南三十里舊名荆南山高二百三十仞

麓周八十五里風土記云東漢袁玘為陽羨長逆
知水旱每言歿當為神後無疾而終一夕風雨晦
冥亡其棺邑人夜聞此山有數千人聲旦亟往視
棺在馬走白縣吏民羣至則棺已瘞藏惟見石塚
石壇旁有石板如馬鬣搖拂壇塚遂神之為立祠
俗號銅棺山或傳玘之亡天降銅棺與葉令事相
類輿地志云山巔有池池有三足鼈六目龜爾雅
云鼈三足曰能郭璞注陽羨君山有之今池尚存
唐陸希聲有君山蒼翠接青冥之句上有龍潭

國山在縣西南五十里延袤三十六里高百二十五
仞一名離墨山舊傳仙人鍾離墨得道于此吳五
鳳二年陽羨離墨山大石自立天璽元年陽羨山
有石裂十餘丈名曰石室皓以為大瑞遣司徒董
朝等行封禪禮吳志載遣司徒董朝兼太常周處
至陽羨封禪國山舊志云碑有大司徒朝無處名刻石頌德園碑
猶存其形如鼓俗呼圀碑又瘞玉璧銀龍銅馬于
碑下字寢漫滅不可讀或稱董山以朝至此故名
靜樂山在縣南三十里君山之東麓唐湛然禪師道

場

橫山一名大蘆山在縣西南四十里君山之西麓唐末有靈峰院

芙蓉山在縣西南三十里君山之南麓唐大毓禪師道場

南嶽山在縣西南二十里君山之北麓有勝果寺

孫皓

既封禪國山遂禪北山為南嶽漢武移衡山之祭于鰲霍皓取其義

章山一名黃山在縣西南七十里周廣六十八里有畸風土記云即芳巖也有沸泉山武花山連亘入

寧國界通典云陽羨有君山國山章山也

計山在縣東北二十五里計亭東山巔有池禿角白
龍穴其中將雨則見蔡肇詩云南山鑿鑿天作鼓
號召諸龍盡行雨唯有禿角最先到滌墨雲中雪
鱗舞近築祠于上

金鵝山在計山西峯郡國志云昔有金鵝集山唐嘗
以名州

琅玕山在縣西北七十里俗號良干有龍湫

甌山在縣西南二十五里其形如甌雲氣騰涌茗炊

然梁蕭子雲贈海清師還山詩云忽聞甌僊侶萬
里自相親寂寞晚霖霽重疊晴雲新唐僧清塞宿
畫上人房詩云別來松頂宿知在甌山禪積霧沈
斜月孤燈照落泉

唐貢山在縣東南三十五里臨甌盡溪以唐朝貢茶
故名

穿石山在縣東南二十里一名蛟山十道志云晉有
大蛟孕子人得其可容三斛嵌空成穴受許陂
長流溉民田有石刻唐人盧肇崔光題名

頤山在縣東南三十五里陸希聲退隱于此謂東走
震澤震為雷魚龍之所蓄有頤之象故名著二十
有七詠記臺池泉石林木之勝載頤山錄 嘉祐
中令趙文昌刻石縣圖

蜀山在縣東南三十八里一峰屹立水環其麓亦名
獨山頤山錄云頤山東連洞靈諸峯属于蜀山蘇
文忠因其名而登覽焉有東坡祠今不存

烟山在縣西南三十里諸峰環峙西曰碧雲山南曰
羅漢山北曰雞籠山西北曰紫雲山上有漁磯臨

深谷舊傳孫堅釣于此西南曰聖山下有泓潭歲旱不涸

神山在縣西北九十里洮湖上與大坏山對峙多巨石林木不產延袤三四里下瞰湖風起水湧濺沫如雪

小坏山音浮一名長塘在洮湖中輿地記云長塘湖中有小坏山水有石室亦有虎跡涸則見

大坏山在洮湖中與小坏山相望南徐志云二山居洮湖水環四面視之若浮故名

漸山在洮湖中峯巒竒怪以詩有漸漸之石故名之
周山在洮湖西舊傳博士周生烈葬此按論語疏烈
燉煌人仕魏三國區宇豈越境終於是邑邪一云
嘗獲斷碑乃烈所作未知孰是

山山在縣西北八十五里入溧陽界舊有亭址風土
記云昔山姥于此得道漢建武中嘗封蔣澄為山
亭鄉侯

都山在縣西北四十五里有蔣澄墓

箬山在縣西南二十里

嵩山在縣西南三十里多產茶

小心山在縣西南二十五里一名敷金嶺即君山西
峯寰宇記云金礪承小心蓋下有金沙泉也

獨山在張渚鎮北近章溪

下山在縣南三十五里有甯相公墓或以謂甯戚孫
鴻慶艤舟有詩云蘿牽籬幕翠葉隕砌堆紅宿鳥
來還去微泉咽復通

虞山在縣東北二十里多連理木

陽山在縣東北二十五里

李山在縣東北三十五里有禪寂寺

安樂山在縣西北八十里與山山對峙

竹山在縣東北六十里太湖濱僅一小草阜

柯山在縣北三十里有雲陽鄉侯蔣默墓

保安山在縣東北二十里

龍山在縣南五十里下有武陵洞

蘭山在縣東南五十里麓周二十五里輿地志云石

蘭山旁入太湖晉李顥涉湖詩云旋經義興境弭

棹石蘭渚二山連亘南曰大蘭山北曰小蘭山多

產蘭花

香山在縣南三十五里與蘭山相接舊傳有人游此
聞其香故名

分界山在縣西南百里入廣德州界

義山在縣東八十里東臨太湖西抵垂脚嶺有義鄉
縣城尚存南入長興縣界

峯

無錫

東天井峯

西天井峯在縣西四十五里皆近閭江有井故
天一峯在縣西北四十六里

龍井峯在縣東三十里芙蓉山

巖

宜興

會仙巖在縣東南三十五里張公洞側百餘步孤峯
壁立若彫琢然 紹聖間有老姥見二叟倚石回
睨已逝故名詳見王殿中瞻所記

白雲巖在縣東南五十里罨畫溪西峻踰百仞上有

龍湫雲氣蒸繞禱雨輒應

嶺

無錫

長腰嶺

蒼峴嶺並在縣西北四十五里俗號蒼頡嶺

楊村嶺在縣南四十八里

赤石嶺在縣南四十五里

許舍嶺在縣南四十五里

山門嶺在縣西南二十五里前經漆塘後接塘山

宜興

下馬嶺在縣南十五里山蹊巖險過者解鞍

篠嶺在縣東南五里有三隄前後連亘

嶺在縣東南十里

縣嶺在縣東南八里

垂脚嶺在縣南六十里入長興忻溪界十道志云行

人涉嶺多重趺云

啄木嶺在縣東南七十里唐湖常二守貢茶相會之

地

使嶺在君山東舊以此山最高而嶺前有使承其君之義故名

榭嶺在君山東多榛栗

山花嶺在君山西

楊梅嶺在君山西昔產蜜楊梅郡府多苛政守任昉以戕人于險禁絕之

箬嶺在縣西南八十里

偃月嶺在順山陸希聲詩云山嶺依稀偃月形數層
奇石疊空青幾回雪夜寒光積直似金光照戶庭

松嶺在頤山陸希聲詩云嶺上春松手自我已能蒼
翠映莓苔歲寒本是君家事好送清風月下來

洞

無錫

若水洞亦名北巖洞在縣西慧山陸子泉之上面面
尋泉深不可測吳地記云惠山有洞通陽羨張公
洞唐詩僧若水駐錫故名獨孤刺史為製碑今存
王武陵有意刻山泉解功深造化疑之句楊无咎
嘗為書扁云

古洞在惠山西陸羽云洞陽觀梁天監中建舊有洞
潛通包山歲久跡湮

宜興

張公洞在縣東南五十五里高六十仞麓周五里三
面皆飛崖絕壁不可躋攀惟北向一竇廣踰四尋

嵌空可入觀者秉炬歷百磴至燒香臺

臺淳熙初尉趙伯

津所築

石色碧綠如抹乳髓滴瀝有仙人房元武石

奇怪萬狀時有石燕相飛擊行約三里南望小洞
通徹于外徑此而出南唐韓熙載記洞靈觀援白

龜經曰天下福地七十有二此居五十八道書亦云第五十八福地庚桑公治之即庚桑楚也風土記云漢天師道陵得道之地元符間逸士王繹來遊謂洞以張公名者非道陵乃第四代輔光也且有詩云高士宸居隔紫烟洞中金闕暗相連輔光竈冷留香壤太素淵清湧玉泉後夜雲歸雪浪濕未明人起月華鮮秋光不老巖前麓到此偷閑亦自賢俗傳以為張果果唐武后時人按東漢郡國志陽羨屬吳郡郭璞注云縣有張公山洞密有

二室晉已有此名非果明矣唐李栖筠皇甫南
唐潘佑皆有詩留石壁間 國朝蘇後湖云銅棺
之南山復山捫蘿絕壁蘚苔斑只今何處可容足
乞我石房雲一間

善權洞在縣西南五十里洞門廣二十尺周幽王二
十四年洞忽自裂奇形怪狀若追琢入者廩然側
足行二十步極夷曠可坐千人鑱石作石像有石
筍高十有三尺號玉柱故張祐詩云金函崇寶藏
玉柱閤靈根十道志云產丹砂鍾乳洞凡有三曰

乾洞乃石室曰大小水洞泉深無底雖旱不枯

司空李蟪少肄業山中嘗見白龍騰驤而出 熙

寧二年僧若冲與其徒秉燧裹糧以入行約三十

里有石碓石牀石羊石馬天然精巧忽大聲震衆

懼而反

國朝陳古靈為郡以公事至賦詩

見詞翰門

權當作卷即詩卷阿之義張正素處士舉有紀行

石刻在大中宮作卷

大城洞在湖淤渚西八里門極逼窄僅容一人中漸

平曠聳石如雪號泉米堆又有泉流縈繞焉

武陵洞在龍山下石乳凝結若幡幢羽蓋狀雪瀑飛
注榛蔓蒙密人跡罕至

白鶴洞在張公洞北二里舊傳有白鶴飛翔故名

飛蓋洞在會仙巖顛深踰三丈洞陜人莫進步仰視
如飛蓋然

佛窟洞在張公洞西南三里玉女潭西深可數丈有
泉流入罨畫溪

天井洞在芙蓉寺前深峻如井

君陽洞在縣東南三十六里當君山之陽故名陸希

聲號君陽邈叟

白馬洞在張公洞後金井潭西舊傳白馬見于此水

流東注經洞靈觀門南與巖水合溉田百餘頃

鮎魚洞在湖狀金沙寺亦曰金沙洞

詳見
泉類

川步洞在縣東南二十五里令趙與哲築堂于旁

鴈

無錫

碧桃鴈在縣西北四十八里

西桃花鴈在縣西二十里

南桃花隄在縣南四十五里

盤隄在縣西北五十一里

黃隄在縣南二十八里

甲仗隄在縣西南五十里軍將山側南唐藏兵仗于此

宜興

青隄在湖汊鎮南五里

圍隄在縣西南十五里四圍皆山中有泉石可愛

張相隄在鳳川沈南書積中嘗留詩

梅花隄在頤山陸希聲詩云凍蕊凝香雪艷新小山
深隄伴幽人知君有意 寒色羞共千花一樣春
薔薇隄在縣西南二十五里地多此花故名

趙隄在縣南六十里

江

晉陵武進宜興

揚子江在縣北五十里西接丹陽界東抵江陰中流
西北入泰州涉江東北為三河前漢地里志注云
吳為南江在南東入海毗陵志北江在北東入海

蕪湖為中江出西南東至陽羨入海故云三江
元注桑欽水經云中江在丹陽蕪湖東至陽羨入
海郡與平江居下流患易漂溺後築銀林堰以斷
之自是中江無復東流矣

無錫

閭江在縣西五十里太湖濱以闔閭築城于此故名
夫差殺伍員浮屍其中今有廟云

湖

晉陵

太湖在縣東南百里源自安吉州長興縣入宜興又
八十里入晉陵又十八里入無錫由晉陵無錫四
十八里百五十步南入平江府吳縣烏山北湖隄
環郡境總百四十八里五十步亦名五湖周禮職
方氏云揚州其浸五湖注湖在吳南浸可以為陂
灌溉者越絕云湖周三萬六千頃史記河渠書云
于吳則通渠三江五湖韋昭注五湖湖名耳實一
湖今太湖是也在吳西南通典注云五湖在吳郡
吳興晉陵三郡鄴元則謂長塘湖射貴湖上湖漚

南通嘉興韭溪陸龜蒙云太湖上稟咸池之氣一
水而五名二家之說為近故其詩云嘗聞咸池氣
下注作清質至今涵清霄尚且浴白日

芙蓉湖在縣東五十五里南北八十里南入無錫縣
北入江陰軍東南入平江府北入揚子江越絕
及吳地記云無錫湖萬五千三百頃其千三百頃
為晉陵上湖又云射貴湖寰宇記云東南流為五
瀉水南徐記云橫山北曰上湖南曰芙蓉湖陸羽
云惠山東北九里有上湖南控長洲東洞江陰北

掩晉陵蒼蒼渺渺迫于軒戶故惠山有望湖閣李
紳詩云丹樹村邊烟火微碧波深處鴈初飛蕭條
落葉垂楊岸隔水寥寥聞搗衣湖面百里一望皆
菰蒲荷芰為江南烟水偉觀皮日休陸龜蒙與毗
陵魏不琢載酒賦詩由此經震澤穿松陵抵杭越
目其舟曰五瀉胡文恭宿詩云小湖香艷戰芙蓉
碧葉田田擁釣蓬嵐氣欲飛山隔岸秋光不定水
搖空歲久湮廢今多成圩矣

陽湖在縣東五十里東西八里南北三十二里中與

無錫分派北通茭沼

本日蛟溝後人說之

臨津總為三湖南

徐記云宋元嘉脩廢成良疇數百頃俗號宋建又云長渠南有小五湖南通陽湖以近陽山故名

武進

滬湖

音

在縣西南三十五里東西三十五里南北百

里中與宜興分派郭璞江賦云具區洮滬是矣輿地志云太湖射貴與此亦謂三湖祥符經云湖多白魚南連沙子昔有滬姓携龍殼歸地遂陷今烟靄中蜃樓常見馬沙子即湖觜風浪掀涌亦一險

也

無錫

五部湖在縣東北十里東西二十里南北十里南徐記云其源濁而流清溉田百餘頃即陶穀所隱處濠湖在縣東南七十里中與常熟分派東入漕湖西入蠡湖又東入吳縣烏角溪

蠡湖在縣東南五十里中與吳縣分派寰宇記云范蠡伐吳開此唐地里志云刺史孟簡開太伯瀆東連蠡湖亦名孟河

五湖在縣西北五十里二百五十步寰宇記云中與
晉陵分派南徐記云縣長渠南有五湖又有小五
湖非周官之五湖也中道長渠溉田五十頃

小五湖在縣南十八里南太湖西大渲渰東長廣溪
北梁溪

宜興

洮湖一名長塘在縣西北百里東西二十里南北二
十五里與溧陽金壇分派風土記云陽羨西北有
洮湖中有大小坏山宋明帝時庾業代劉延熙為

義興太守東討孔顗賊黨至長塘湖唐張籍有詩云
一斛水中半斛魚大魚如柳葉小魚如針鋒水濁
誰能辨真龍 國朝蘇後湖庠詩云放船出滄灣
沙寒鴈行落

河

州

運河東自望亭風波橋入郡界西至奔牛堰凡百七
十里有奇史記云禹治水于吳通渠貫江湖齊地
志云丹徒水道通吳會六朝都建業自雲陽西城

開河今俗稱開河蓋
字之誤

今丹鑿運瀆經抵都下隋初嘗廢大業六年詔自
陽京口至餘杭穿河八百里廣十餘丈欲通龍舟巡
會稽唐白居易有平河七百里之句

城河一在外子城環繞郡治俗號城濠一在羅城外
俗號開河東通吳門西朝京門皆連運河

惠明河西南引荆溪水自南水門入舜宜橋匯入迎
秋門經郡前稍東又南入洞河與後河合流入
運河

後河俗號市河自南水門環外子城歷月斜橋金斗

橋瑞登橋穿郡市出裏虹橋入運河 天聖中李

守餘慶始開鑿鄒忠公作記謂李明陰陽三十年

當有魁天下者後如其言

詳見
詞翰

晉陵

網頭河在城北青山門外一自通江橋東北入鎭頭

入江曰竈子港一經楊頭鄭陸直東三十里入江

曰利港

武進

西蠡河在南水門南經陳渡橋塘口入太湖單諤水

利書謂范蠡所鑿今宜興有東蠡河橫亘荆溪北
透湛瀆此為西蠡明矣

無錫

弓河在縣東運河側旁有九河號九箭

芙蓉河在縣北門通芙蓉河入江陰青暘夏港

宜興

運河在縣北五十步西接荆溪北由源慶門抵沙子
湖六十里 淳熙間丞韓隆胄尉秦膺剛重浚有
記

東蠡河在縣東十五里東南入太湖 咸平中邑人

邵雲甫重浚

溪

武進

白鶴溪在縣西南二十里入太湖接丹陽桂仙鄉舊

傳以丁令威化鶴得名

又有丁橋在丹陽縣

三渦溪在縣南三十里北通運河亦入太湖

無錫

梁溪在縣西南十八里南北長三十里入太湖西至

五里橋與運河合流吳地記云古溪極脰梁大同中重浚故名

長廣溪在縣南十八里廣二十五丈袤三十五里輿地志云源出歷山西南與太湖相接無錫志云陳勲所導南至開化鄉流分為二

雙溪在縣北五里一西通河澣錢橋一東南與梁溪合流

新安溪在縣南三十里南通太湖東入運河

赤城溪在縣南四十里袤五里南通太湖東入運河

烏角溪在縣南四十五里袤六里東出望亭西入太湖與平江分界

宜興

荆溪在縣南二十步廣二十二丈深二十五丈周孝侯斬蛟橋下即此溪也按前漢地里志實為中江溪貫邑市受宣歙蕪湖之衆流注震澤達松江以入于海風土記云陽羨溪九僅有六餘不知其處子隱時已如此則川源之湮塞可知今波澄可鑑峯巒如畫以在荆南山之北故名

東瀉溪在縣東南三十六里陸希聲順山錄謂山前
百餘步衆流合而東故名任昉詩云長溪水東舍
顧況云家住義興東舍溪李守栢筠置茶舍于此
亦名東舍希聲在昉況後舍謠為瀉兩峯多藤花
春時照影水中青紅可愛亦名罨畫溪又名五雲
溪陳守襄詩云五雲無處向新亭月裏乘舟夜半
行不見藤花相掩映鄉人遙指畫溪名

折溪在縣東南三十六里源出垂脚嶺東北入太湖
章溪在縣西七十里源出章山北入荆溪

慈湖溪在縣西南八十里源出沸泉山北入荆溪亦
名西陽渚溪

陽溪在縣東北四十里源出陽山東入太湖

湫溪在縣東五里北入荆溪

塞溪在縣西北源出洮湖東入洋渚又東入荆溪

爛路溪在縣西五十里北流至臨津前入塞溪

蓮荷溪在縣西六十里源出山山東入白雲徑

新溪在縣南興門外一里 嘉祐中令司馬旦所鑿

竹溪在縣西南四十五里僅有山澗中產水菖蒲旁

多竹土堅如石好事者斲為小峯巒

朋溪在縣東北即下漲港之支流董令升卜居建橋
且為之記

涸溪在縣西九十里分界山北多石子雨暴至山水
奔迸流入章溪晴則涸

溝

州

邗溝在郡城內一自太平橋西環繞城南出臧橋首
尾俱枕運河為南派一自通吳門內南枕運河沿

關城歷太平寺後出晉陵縣治前入新巷永福寺
南匯歸斜橋至虹蜺橋後與後河合流為北派南
派僅有流通北派多湮塞或援左傳吳城邗溝通
江淮之事為證非也按左傳哀公九年書吳城邗
溝通江淮杜預注云于邗江
築城穿溝東北通射陽湖西北至京口入淮通糧
道也故前輩于邗字下點斷而斷築城與溝兩事
今毗陵是一邗溝
與左氏所載不同

港

晉陵

採菱港在縣東二里北枕運河西南通陳渡橋

戚墅港在縣東十八里北枕運河南入太湖

三山港在縣東南二十里西北入申利二港至揚子
江東北與江陰分界

無錫

直湖港在縣東北三十六里北枕運河南入太湖

陂

無錫

蓮陂在縣東南五十里

赤湖陂在縣 四十六里

新豐陂在縣北三十里

上干陂在縣七十里

塘

武進

烈塘在縣西十八里前枕運河後入大江 紹熙間

李守嘉言嘗浚臨江置閘以譏防焉

宜興

橫塘

詳載
百濟

鸚鵡塘在源慶門外廣袤約百畝

浦

宜興

大浦在縣東三十六里太湖濱李顥詩所謂太湖浦是也

章浦在縣西二十五里周札嘗章浦亭侯

滄浦在縣東十里流波浩淼有滄浪之意故名

滄

無錫

青祁滄在縣西南二十里通五里湖入長廣溪入太

湖

小渲渰在縣西南十六里與青祁渰通

洪止渰在縣南四十五里入太湖

塘渰在縣南二十里

馬金渰在縣東五十五里與平江分界

西謝渰在縣東六十里與平江分界

漆渰在縣西南十八里

宜興

都渰在縣西六十里源自洮湖北匯都山流于孟涇

餘波疑餘及周處新
蛟潭曝魚八故名

汧水在縣西二十七里荆溪貫其中通白雲徑

餘波水在縣東十五里廣十餘里一名餘波湖

洋水在縣西三十五里塞溪貫其中號南北洋水北
青魚蕩

黃土水在縣北五十里亦名白魚蕩縣素號澤國又
有常富等水

澗

無錫

黃公澗在縣西八里惠山側楚相春申君黃歇城吳

墟故名

周塘澗在縣西北四十五里

宜興

大澗在縣西南十里源出南嶽山北入荆溪
黃潼澗在縣西南五里源出石亭北入荆溪
冶林澗在縣西十五里源出君山北入荆溪
橫澗在縣南二十五里源出君山入東瀉溪
洛澗在縣東南二十五里

白馬澗在張公洞側舊傳白馬見于此韓熙載洞靈

觀碑云飛白馬于澗邊卧金牛于潭底

瀆

武進

孟瀆在縣西四十里風土記云七里井有孟瀆漢光武初潛嘗宿井旁民為指途達江潁即位命開此瀆廣五丈深七尺南通運河北入大江歲久淤闕唐元和中刺史孟簡浚導袤四十一里溉田四十餘頃南唐保大初修水門 國朝慶歷三年令楊璘諭民疏治復通江復祥符經引巴州刺史羊士

諤記云此瀆以近孟城山得名或云孟嘉僑寓之地又云孟簡所浚未詳孰是

孝感瀆在縣西南七十里通太湖晉王祥與繼母寓此卧冰得雙鯉故名

黃土瀆在縣西六十里九域志祥符經皆云伍負取此土築闔閭城

伯牙瀆在縣西十八里奔牛鎮西二里南枕運河北入大江

直瀆在奔牛鎮東枕運河通白鶴溪

蘭陵瀆在奔牛鎮北五里齊梁立南蘭陵郡故名地
多蕭姓蓋其裔也

無錫

太伯瀆在縣東南五里西枕運河東達蠡湖孟簡當
浚導袤六十七里廣十有二丈

宜興

百瀆在縣東南七十五里為上瀆在縣北六十里為
下瀆舊以荆溪居數郡下流於震澤口疏百派而
分其勢又開橫塘袤四十里以貫之導荆溪下震

澤入松江注諸海瀕湖畎澮皆道焉 國朝治平
中令樓閱浚四十二瀆餘悉湮廢按單諤水利書
云自蕪湖溧陽五堰達吳江猶人之一身五堰為
首荆溪為咽百瀆為心震澤為腹蓋謂脉絡相貫
然舊志載瀆名僅七十有二率在是邑然晉陵新
塘鄉鴉步村實號百瀆口亦有隸其間者獨闕不
書今詳疏於后

陳莊 符

五千

墓

葛

黃

褚店

歐

彭

毛

趙

師

後師

徐

河

朱

楊溪

曰

礮

北津

或作準

中津

新

歷

前黃子

茭

杜

南津

後黃子

鴨舍

伍賢

牛路

廟

馮巷

大浦

龔師

蛇

李莊

新漕

馬家

俞家

鄭

寺莊

高莊

西市

臺莊

握

或云掘

盛

湯

茅耆

或作祁

張

北朱

何談

凌

呂

塢

魏

梁新

土

南朱

王搭

定誇

虞

岸

須

許家

高涇

季家

竹門

前塘

斯塘

許墓

永昌

吳

蔡

蔣

烏

陳埭

堵壚

山

楊巷

吳溪

甌草

蠡

大墟

長令

沙塘

胡

古龍

苦丈

官

蘆

草

了曰

陰陽

莊墅

無口

雙

市橋

梅塘

杭

周瀆在荆溪南一里東西與荆溪接

東湛瀆在縣北十五里西通運河東入橫塘

西湛瀆在縣北十五里通東湛瀆入運河

草塘瀆在縣東北二十五里

黃瀆在縣北四十五里

樓公瀆在縣北五十里 熙寧間令樓閱所開故名
湫瀆在縣西北二十七里北入渦湖

潭

晉陵

清水潭在縣東二里運河北岸歲旱不竭

武進

嘉山龍潭

詳見山

無錫

北龍山白龍潭風土記云東晉山民妻娠三年產一龍色如爛銀七日而昇母死葬山頂後所居成潭安陽山龍潭廣三尺深丈餘廟曰顯應

軍將山龍潭山頂有三石穴方不盈尺水極深後廟曰孚澤

香山龍潭

詳見山

宜興

玉女潭在張公洞西南三里舊傳玉女脩煉于此

唐權德輿稱陽羨佳山水以此為首獨孤守及答
李滁州刺史幼卿懷荆溪幽居詩有書書寄玉潭
之句張祐題李瀆玉潭山居云古樹千年色蒼崖
百尺陰瀆疑幼卿之後

金牛潭在張公洞後水泓澄不竭舊傳金牛入此潭
一號伏牛潭唐張祐有陸敦禮山居伏牛潭詩云
伏牛真恠事餘事幾山諳日彩沈清壁烟容淨碧

潭

詳見
澗

龜潭在湖汊側孫鴻慶詩云來從白馬澗聚作烏龜

潭

蔣墓龍潭在縣東南二十里穴出山頂水清有魚或
取烹食之食已而殂先是過大雷電龍火輒焚林
木後以鐵投潭中遂息蔣景坡書龍潭二大字刻
石上今不存

君山龍潭

計山龍潭

聖山龍潭

並詳
見山

渚

宜興

湖狀渚在縣南四十里因水洄狀故名

張渚在縣西南七十里源出章山北入荆溪

張疑作章

潼渚在縣西南三十五里唐咸通中報恩寺塔記作

同渚

石蘭渚

詳見山

泉

無錫

陸子泉在慧山寺南廡石穴源出若水洞陸羽品天

下水以廬山谷簾泉為第一此居次令聶載厚之
味其甘異於他泉感錫之氣耳獨孤刺史記云寺
居西神山足山小而泉多會昌中刺史張中丞築
室十餘楹護其所皇甫冉歌云寺有泉兮泉在山
鏘金鳴玉長潺潺李紳許渾王武陵皮日休皆有
詩蘇文忠謁錢道人烹小龍團詩云獨攜天上小
團月來試人間第二泉今泉側留詠殆徧不可勝
載

水泉在陸子泉旁百餘步亦出若水洞石室嵌空淵

流渟溢

詳見洞

龍縫泉在水泉南山形如龍而泉出石罅一名龍淵
楊無為嘗書扁云

惠照泉又在水泉南 國朝天聖中僧惠照創地得
之故名

竇乳泉在膠山其山與惠山相距四十五里東西對
峙唐咸通中建寺得此泉于左廡 國朝皇祐初
楊虞部偶有雲竇穿銀井水甃貯玉漿之句

滌硯泉亦在膠山寺相傳蕭侍郎滌硯之所

宜興

金泉在小心山流入慈湖溪輿地志云金硯承小心
此是張祐題陸壩金沙洞居云東溪泉一眼歸卧
愜高踈決水金沙靜梯雲石壁虛

真珠泉一名卓錫泉南在嶽唐禪錫和尚嘗曰以此
泉烹桐廬茶不亦稱乎未幾有白蛇銜茶子置菴
側自是種滋蔓味倍佳時人爭致官府征需無藝
寺僧苦之有題壁間曰官符星火催新焙反使山
僧怨白蛇過亦無餘種矣

潛虬泉在湖汭渚幽深泓澄人莫之測中有四足鮎
數歲輒一出出必大水禱之則復入于穴陸希聲
詩蟠虬小穴出嵌空潛伏幽姿在此中或號華鮎
云

沸泉在慈湖溪側源通如沸

湯泉在縣西南七十里水温可浴

於潛泉在湖汭鎮稅場後味甘冽唐脩茶貢泉亦遞
進

徑

爾雅直
波為徑

宜興

孟徑在縣西北四十里^五刺史孟簡所浚以殺漏湖風濤之勢南入塞溪因姓以名徑俗呼為涇耳

癸徑在縣西三十六里穿泝入經善鄉南北三十餘里

白雲徑在縣西九里西入溧陽界

鰲徑在縣西二十里南出吼山東入荆溪

井

宜興

小井一名劒井在縣東九里風土記云葛仙翁駐鶴之地有白氣亘天如虹靖康初令陸元光為記謂嘉祐壬寅胡文恭宿為副樞元祐戊辰胡脩簡宗愈為右丞熙寧癸丑余吏部中魁廷試邵鄉史剛魁南省邵司業枋魁開封元符庚辰蔣魏公之奇入西樞率前一歲氣輒見人以為秀異所鍾此其證應云

丹井一名天慶觀藏殿舊傳漢天師投丹于此一在橫山沖虛觀殿內梁王八百脩道汲以煉丹後仙

去

無錫

泰伯井在縣西四十里泰伯城

東西二天井在天井峯下

龍井在芙蓉山上

辨井在天下峯

大眼井在惠山大同殿

舜井在惠山中陸羽云南朝以惠山為歷山擬舜所
耕於井亦云

宜興

丹井在縣北三十五里葛墟舊傳葛仙翁煉丹于此
西井在縣西南八十里泉湧則溢

堰

晉陵

丁堰在縣東九里

戚墅堰在縣東十八里北接運河

薛堰在縣東南九十里

武進

黃汀堰在縣西朝宗門外通利港

奔牛堰在縣西二十七里輿地志云漢有金牛出茅山經曲阿至此驟奔故名東坡有卧看古堰橫奔牛之句

無錫

五瀉堰在縣北十四里運河西岸

望亭堰在縣西四十五里 國朝淳化元年詔廢焉將軍堰在縣南二里祥符經云唐將軍單雄信提兵道此以鎗止水為堰故名景龍二年置閘在北岸

宜興

西堰在縣南長橋西今廢

埭

無錫

湖埭在縣西南四十里

宜興

封埭在縣西南七十二里與溧陽分界

廢埭在縣西南四十五里

閘

武進

烈塘閘

詳見塘

奔牛閘

詳見堰

無錫

蓮蓉閘在縣北二百五十五步

斗門閘在縣西北四十里並國朝元祐間置以殺

芙蓉湖水

望亭閘在縣南四十五里風土記云隋文帝至德初

置國朝嘉祐間浚運河導太湖水遂廢

重修毗陵志卷第十五

三陽東山志

重修毗陵志卷第十六

人物

古稱毗陵人性朴直俗習淳遜蓋自泰伯季子以來
流風胥漸尚矣載稽耆舊魁壘奇傑代不絕書我
朝以德業辭章稱者於斯為盛若名節之掀揭理學
之淵源尤於世教有補今併寓賢悉書之

晉陵

漢

彭脩字子陽會稽毗陵人年十五侍父行道中為盜

所刼脩拔佩刀前持盜臂曰父辱子死汝不顧死
邪盜驚謂曰童子義士無迫之遂去鄉黨稱其孝
仕郡為功曹後守吳令嘗討賊障扞太守為流矢
所中賊素聞恩信即殺中脩者衆悉降曰自為彭
君不為太守服也

晉

朱鳳與吳郡吳震學行清脩老而未調太興初以秘
書監華譚薦擢著作佐郎

孫無終太元初苻堅方盛謝玄鎮海陵多募義勇無

終與彭城劉牢之東海何謙在選中命為前鋒百戰百勝號北府兵敵人皆畏之

陳

張崖與東陽鄭灼吳郡陸詡吳興沈德威俱以禮學著名

劉文紹學禮于張崖天嘉中為尚書儀曹郎撰五禮終國子博士

唐

高智周父子長仕隋為秘書學士智周第進士為費

令取俸與丞尉均民安其化擢秘書郎三遷蘭臺
大夫拜壽州刺史治尚文雅行部見諸生質經義
及政得失既乃錄獄訟考耕餉後同中書門下平
章事

劉禕之少與孟利貞高智周郭正一以文辭著號劉
孟高郭初直昭文館歷弘文館學士召入禁中多
所論次高宗密與叅決時政分宰相權時謂北門
學士尋拜相王府司馬帝曰卿家忠孝朕子賴卿
規矩擢同中書門下三品兄懿之給事中

王遇與弟遐肅宗時道為賊所執將釋其一兄弟爭死賊感其誼俱縱之

秦景通與弟暉皆精漢書號大小二秦君時人非經指授者謂無師法景通仕至崇賢館學士暉復踐其官云

蔣堅元和間在永州學為春秋師

徐仁紀聖厯中召拜左拾遺數論事不合曰三諫不聽可去矣遂移疾歸神龍初宣慰使表其行可厲俗召拜右補闕復以抗奏出授靈昌令

武進

宋

蕭思話南蘭陵人工隸書善騎射以外戚寵任歷十二州牧持節者九禮賢好士人多歸之贈開府儀同三司子惠開惠基

惠開涉獵書史明識過人雖在戚屬喜簡素初為秘書郎仕齊終益州刺史

惠基歷黃門侍郎仕齊遷太常給事中立身退素以善士稱弟惠休惠朗惠蒨俱以仕顯

琛字彥瑜惠開從子穎悟有膽略仕齊為太常博士
歷梁吳興太守郡有項羽祠嘗置神坐于聽事前
後守將多避舍琛至歷階聞室中喑鳴聲遂叱曰
生不能與漢祖爭雄死據此何也卒撤之後歷大
郡不事貲產終尚書侍中子遊少府卿遊子審聰
敏博學終散騎常侍

齊

高帝姓蕭氏諱道成字紹伯世居蘭陵蘭陵自高祖
整寓武進為南蘭陵人姿表英異少有大量宋泰

始中加輔國將軍嘗東討至晉陵一日破十二壘
後即位每曰使我治天下十年當使黃金與土同
價蓋欲化民以儉云

道度高帝長兄與高帝俱受學于雷次宗次宗嘗曰
兄外朗弟內潤皆良璞也後封衡陽郡王子鈞嗣
鈞字宣禮嘗細書五經置巾箱中賀玠問曰君家多
墳索奚以此為鈞曰巾箱五經最便繙閱兼一更
手寫可永不忘諸王爭效之

赤斧高帝從弟以和謹受知歷雍州刺史勤于奉公

封南豐伯遷給事卒貧無以斂武帝愈加愷惜子
穎胄仕至冠軍將軍

坦之高帝族子以文慧見用歷丹陽尹

梁

武帝姓蕭氏諱衍字叔達同出蘭陵生有異光狀貌
殊特有文在手曰武兕時能蹈空而行長博學多
籌畧王雄每謂所親曰宰制天下必在此人卒如
其言

蕭立南蘭陵人年十七射策甲科自廷尉評再遷殿

志云
中侍御史文學政事為臺閣領袖獨孤及序其文
比之賈馬云

蕭洽字宏稱惠基子也七歲能誦楚辭長好學善屬
文歷臨海太守

介惠基從子頴悟有器識為揚州府長史以清白稱
後拜侍中多所規正武帝甚重之置酒論文時比
烏衣之遊子允引

允字叔佐風神凝重識鑒超詣為太子洗馬陳宣帝
時歷黃門侍郎嘗經季子祠躬荐蘋蘩托異代之

交為詩叙意詞甚清典

引字叔休方正有器度博學能文為儀同府主簿陳
宣帝時拜金部侍郎善書為世所重帝披奏文曰
筆勢翩翩如鳥欲飛引謝曰乃陛下假之羽毛耳

陳

蕭摩訶蘭陵人少勇果屢從吳明徹北伐領騎深入
陣中從橫奮擊無不披靡明徹謂曰君材不減關
張以戰多歷車騎大將軍改授侍中左光祿大夫

無錫

漢

虞俊字仲卿明春秋公羊左氏傳哀帝時為御史稍遷丞相司直王莽秉政左遷新陂令尋召為司徒俊欲遁歸遂見脅迫仰天歎曰吾漢人也願為漢鬼不能事二姓飲藥而死光武即位高其節行與二龔比

王闕字選公明易及天文郡舉為主簿更始中守山陰令補侍御史遷冀州不交豪強人號王獨坐

並見

毗陵先賢傳

高彪字義方嘗訪馬融辭以疾貽書曰周公兄武王
位冢宰猶握沐吐餐垂接白屋公養疴傲世固其
宜也融慙迫追之彪逝而不顧後舉孝廉授書東
觀遷內黃令有德政靈帝詔東觀畫彪像以勸學
者

晉

顧凱之字長康父悅之為州別駕難王弼易義四十
條凱之博學有方氣為箏賦自比嵇康琴尤善丹
青義熙初為散騎常侍唐杜甫詩云何年顧虎頭

滿屋畫瀛洲又云虎頭金粟影神妙獨難忘世說
凱之倒食甘蔗謂之漸入佳境嘗為虎頭將軍古
今畫錄謂其小字

唐

李紳字公垂父悟歷晉陵令因家錫山元和中擢第
李錡有異謀召紳作疏不與書怒囚之錡誅乃免
或欲以間謝曰本

非沽名也穆宗召為右

拾遺翰林學士武宗時拜尚書右僕射封趙郡公

宜興

漢

蔣黥字秀芳調四世孫父橫仕為大將軍從光武討
赤眉有功以司隸羌路譖誅黥兄弟九人渡江散
處帝尋悟命錄其後黥居陽羨太湖東封為雲陽
亭侯終諫大夫子何前將軍邵陸侯孫志襲祖封
澄字少明橫幼子居陽羨太湖西山亭封山亭鄉侯
仕至刺史五子孟東亭侯通陽羨西亭侯休襲父
封丹陽太守餘無聞唐祕監齊光又撰碑略曰澄
懷忠國之志立全家之道雖滅迹江湖而克雪前

恥云

許武字季長會稽陽羨人太守第五倫舉孝廉武欲
成二弟晏普名乃析資為三自取膏腴二弟所得
皆瘠少鄉人鄙其貪而稱弟克遜晏等並得選舉
武泣謂宗姻曰向以二弟年長未豫榮祿故分財
取譏今殖產數倍悉以推二弟無所畱郡中稱譽
翕然仕至長樂少府孫荆

荆字少張舉孝廉和帝時稍遷桂陽太守設吉凶禮
以教民俗行春耒陽縣有兄弟訟財上書自劾後

皆感悔召拜諫議大夫卒于官人為立廟植碑孫

馘靈帝時為太尉

詳見祠廟

周嘉順帝時請以縣隸近郡便期會

詳見叙縣

吳

張秉字仲節陽羨人時顧邵號知人一見遂友之邵為豫章太守餞者百數邵辭曰張仲節以疾不克來暫還與別諸君幸少俟秉仕至雲陽太守

周魴字子魚吳郡陽羨人少好學舉孝廉為寧國長厯都陽太守魏大司馬曹休帥步騎潛入皖魴與

陸遜邀擊斬馘萬數賊帥董嗣抄略豫章臨江諸
郡復設奇計卒平之子處

晉

周處字子隱少好畋獵因父老與言搏蛟射虎勵志
改行從吳郡二陸學為文有思致仕吳為東觀左
丞太康中歷散騎常侍命討氐羗力戰而沒贈平
西將軍謚曰孝嘗著默語三十篇風土記并撰集
吳書于玘靖札

玘字宣珮沈毅有父風為州別駕從事薦除議郎三

舉義旅平張昌陳敏錢璿元帝承制以臨津陽羨國山義鄉永世平陵六縣置義興郡旌其忠績後贈輔國將軍子總臨淮太守彛丞相掾

札字思季察孝廉除郎中歷散騎常侍轉右將軍封漳浦亭侯時札兄子懋晉陵太守清流亭侯延征虜將軍武康縣侯縉太子文學都鄉侯勰烏程縣公一門五侯貴盛未有比

錢廣字敬平義興長城人惠帝末年與周玘顧榮倡義平陳敏未幾卒贈永世縣侯

宋

吳國夫義興人與錢唐范叔孫俱以義遜稱有竊其
稻者國夫引還為設酒食以禾惠之其人慙服
許昭先義興人父母老病竭力致養雍州刺史劉真
道辟為征虜叅軍辭不就叔肇之繫獄七年昭先
料理饋餉無倦色貲產既盡賣宅繼之尚書沈演
之嘉其操行肇之遂得釋

蔣恭義興臨津人元嘉中晉陵蔣崇平為劫見禽云
與恭妻弟吳晞張偕行時錄晞張弗獲收恭及兄

協付獄兄弟爭受刑郡上其事于州悉原之後除
恭義成令協義昭令

齊

周山圖字季寂義興義鄉人謹直寡言始仕宋元嘉
中魏主至瓜步山圖應募領白衣隊拒魏兵以功
加鎮軍將軍高帝輔政密啓除沈攸之及攸之敗
高帝歎曰周公可謂明于料事武帝時出入殿省
甚見信任轉黃門郎領羽林西廂直衛

梁

陳慶之義興國山人普通初除

將軍與魏軍相

持凡數百戰魏掎為十三城慶之陷其四壘九

城鼓譟進擊斬獲略盡中大通間除南北二司州

刺史魏遣侯景下楚州又大破之豫州歲饑糞廩

賑民多所全活子昕七歲能騎射仕至臨川太守

魚天愍義興人大通初武帝使陳慶之送元顥還魏

魏合四十萬衆拒顥慶之喻衆登城天愍踰堞而

入遂克之

周文育字景德本新安壽昌人陽羨周蒼養為子教

以書計文育曰誰能學此取富貴唯有橫槊耳及
令騎射大悅既壯隸陳慶之麾下與白水蠻戰身
被七鎗慶之偉其節後從陳武帝戰白城抽槊陷
陣弼傷百數以功進爵壽昌公終開府儀同三司
子寶安折節讀書御下有威惠仕至左衛將軍

陳

許嗣宗義興人為新蔡王外兵叅軍後拜義興太守

唐

薛士通義興人仕隨為鷹揚郎將江都亂嬰城拒賊

武德初授東武州刺史輔公祐反戰破之封臨汾

侯終泉州刺史子登

詳見
郡守

衛逖

詳見
祠廟

蔣儼義興人擢明經第太宗時將伐高麗募為使者
人憚往儼曰天子雄武威四夷蕞爾國何圖王人
脫不幸固吾死所力請行為莫離支所囚以兵脅
之不屈高麗平得歸帝壯其節授朝散大夫高宗
朝進蒲州刺史摘伏戢姦號良二千石後封義興
縣子

蔣子慎默二十七代孫與同郡高智周友善相者云
高公位極人臣嗣子弱蔣侯仕不達其後必興子
慎終建安尉子繒謁智周妻以女生子挺歷湖延
二州刺史挺生渙洌皆擢進士第洌為尚書左丞
渙歷鴻臚卿終禮部尚書日本使嘗遺金帛不受
唯取牋一番為書貽其副挺卒洌兄弟廬墓傍手
植松柏云

許景先義興人曾祖緒唐初以佐命功封真定公景
先進士釋褐神龍間獻服慈閣賦李迴讀之驚異

中茂材異等歷殿中侍御史抨按不避權近尋知制誥以雅厚稱張說曰許舍人之文詞旨豐美得中和之氣開元中帝自擇刺史十有一人景先繇吏部侍郎治虢州詔御史以上祖餞帝賜詩且令自賦

蔣乂字德源義興人七歲見庾信哀江南賦再讀輒不忘從外祖吳兢學博聞強記有史才楊綰尤稱之父將明在集賢白宰相張說引乂入院整比圖籍得善書二萬卷德宗以凌煙閣左壁文漫剝召

問又曰此聖歷中侍臣圖贊中誦不失一詞帝歎
異又問神策置軍本末條對甚詳判集賢院父子
並為學士儒者榮之後封義興縣公五子係伸偕
尤知名

係太初中拜史館脩撰參定憲宗實錄終檢校僕射
淮陽郡公子曙字耀之第進士歷起居郎

伸字大直第進士繇右補闕為脩撰歷翰林承旨宣
宗信任之見必咨天下得失未幾同平章事懿宗
朝命監脩國史

偕亦歷脩撰命次文宗實錄三世踵脩國史世稱良史

蔣防澄之後年十八父誠令作秋河賦援筆即成警句云連雲梯以迴立跨星橋而徑渡于簡遂妻以子李紳即席命賦講上鷹詩云幾欲高飛上天去誰人為解綠絲條紳識其意荐之後歷翰林學士中書舍人

重脩毗陵志卷第十六